



# SOÑNENNEU HA GUERZENNEU

EIT

2

## KEVREDIGEHEU ER BAUTRED IOUANK



### SOÑNENNEU



#### I. ARAUK, PAUTRED IOUANK !

DISKAN

*Groamb trouz ar en doar ha soñnamb, pautred,  
Eit ma vou kleuet boéh er Vretoned.*

1. Pautred, ér fest hag ér pardon,  
Lakamb de drouzal en dason.
2. Ia, ia, soñnamb, hemb méh erbet :  
Gouiet e vou é omb ér bed.
3. Eit ma vou kleuet, ér hérieu,  
Boéh ha lavar kaer hun tadeu.
4. Eit ma vou gouiet, é peb léh,  
En des hoah Breih-izel ur voéh.
5. Eit ma vou kleuet hoah hiniù  
Hé boéh tro ha tro, dous ha kriù.
6. Soñnamb, pautred, er soñnenneu  
En des disket t'emb hur mammeu.
7. Eit ma vou kleuet, é peb ti,  
Er soñnenneu ag hur bro-ni.
8. Biken er soñnenneu galleg  
Ne helleint mui kousi hun beg.
9. Treitour, hanèh ne vennou ket  
Laret èl omb : Breton perpet !
10. Mar a huéh é larér, pautred,  
É ma ré goard er Vretoned.

5

Èl d-hé, *d'er sul* chervijet Doué,  
Ne labouret ket en dé-sé ;  
Èl d-hé, kleuet en *overen*  
Get ur fé biù ha get peden.

6

Èl d-hé, eit chom ér stad a hrès,  
De *govésat* tosteit liés ;  
Èl d-hé, get guir dévosion  
Tosteit liés d'er *gomunion*.

7

Èl d-hé, *tadeu, mameu* gredus,  
Groeit d'hou pugalé bout sentus ;  
Eit ou desañ keméret poén,  
Kaset ind ol d'er *Skol kristén*.

8

Pe zeï er hours de *Voéhiein*  
Èl d-hé, dihoallet a dreisein ;  
Pautred, ne ret hou pilheten  
Meit d'er *quellan dén a lézen*.

9

Èl d-hé, losket er *fal Livreu*  
Groeit tan get er *fal Gazeteu* ;  
Nen des én hé meit geuiér,  
Ha d'er galon é hrant donjér.

10

Èl d-hé, jamés a *fat soñnen*,  
Mes kentoh kañnet ur huerzen.  
Èl d-hé, nann ! jamés ne grollet  
Er *hrolleu neué* miliget.

11

Èl d-hé, *doh ivaj* ham hoarnet,  
*Er méz de noz* ne chomet ket ;  
Èn okazion a p'hum lakér,  
Kouh ha iouank, ol é koéhér.

12

Èl d-hé, karet mat ol en dud,  
Doh dén erbet n'hou péet *tabut* ;  
Èl d-hé, béeh reihénhoukonzeu,  
Reih ha léal én *afériéu*.

13

Èl d-hé, inouret drest pep tra  
Er *Huerhiéz* ha *Santéz Anna* ;  
Èl d-hé, béeh fidél d'hou *Rozér*,  
Douget dalimat hou *skapulér*.

14

Anfin, eid achiù, Bretoned,  
Èl d-hé, hoah, kerhet d'er *vénéd* ;  
Ar hou tud varù én hou béieü  
Skuillet dareu ha pedenneu.

15

D'el *Lézen*, pe oé groeit brezél,  
Hou Tadeu e chomé fidél ;  
O Bretoned ! laret èl d-hé :  
*Kentoh merüel eit kol er Fé !*

16

Ia, laramb ol èl hun Tadeu :  
« Mar vé cherret hun ilizieu,  
« Mar vé amand, mar vé prizon,  
« *Ni vou ataù guir Gristénion*.

É Guéned, er 5 a viz Gourhelén.

Mat de vout mollet.

J. LE GUÉNÉDAL, *Vikèl jeneral*.

Priz : *Ur blank*. — *Dek réal* er Hant.

*Get er Hant é rér open dek folen muzik eid en toñnieu.*